



Broj predmeta: 33-003918/24
Broj akta: 02-1533ST-0001/24
Datum, 27. 8. 2024. godine
Mjesto, Brčko

Na osnovu člana 34. Zakona o državnoj službi u organima javne uprave Brčko distrikta BiH („Službeni glasnik Brčko distrikta BiH“, broj 17/22 – prečišćeni tekst, 6/23 i 22/23) i Odluke o raspisivanju javnih konkursa za 2024. godinu, broj predmeta: 33-000125/24, broj akta: 01.1-1528ZN-009/24 od 29. 1. 2024. godine, broj akta: 01.1-1528ZN-028/24 od 19. 3. 2024. godine, broj akta: 01.1-1528ZN-030/24 od 25. 3. 2024. godine, broj akta: 01.1-1528ZN-032/24 od 26. 3. 2024. godine, broj akta: 01.1-1528ZN-036/24 od 8. 4. 2024. godine, broj akta: 01.1-1528ZN-041/24 od 10. 5. 2024. godine, broj akta: 01.1-1528ZN-052/24 od 10. 6. 2024. godine, broj akta: 01.1-1149AD-053/24 od 18. 6. 2024. godine, broj akta: 01.1-1528ZN-062/24 od 16. 7. 2024. godine, broj akta: 01.1-1528ZN-066/24 od 19. 8. 2024. godine, broj akta: 01.1-1528ZN-067/24 od 27. 8. 2024. godine, Odjeljenje za stručne i administrativne poslove – Pododjeljenje za ljudske resurse raspisuje

JAVNI KONKURS **za prijem u radni odnos**

NA ODREĐENO VRIJEME NA MANDATNI PERIOD OD ČETIRI GODINE

I. DIREKCIJA ZA FINANSIJE BRČKO DISTRIKTA BiH **Trezor**

1. DIREKTOR TREZORA

Opis poslova radnog mjesta i odgovornosti:

- rukovodi radom Trezora u skladu sa zakonima i uputama gradonačelnika i direktora Direkcije za finansije;
- prati i provodi zakone i propise nadležnih organa i institucija BiH i Brčko distrikta BiH iz djelokruga Trezora pod nadzorom i instrukcijama gradonačelnika i direktora Direkcije za finansije;
- sudjeluje u pripremi nacrtu zakona i propisa iz oblasti koje spadaju u nadležnosti Trezora;
- zamjenjuje direktora Direkcije za finansije u odsutnosti i postupa umjesto direktora Direkcije za finansije ako on nije u mogućnosti;
- obrazuje radna tijela iz svoje nadležnosti;
- provodi odluke gradonačelnika i Skupštine koje spadaju u njegovu nadležnost;
- preduzima neophodne mjere radi učinkovitijeg ostvarivanja utvrđenih ciljeva i zadataka iz nadležnosti Trezora, poboljšanja stanja u oblastima iz nadležnosti Trezora;
- obavještava Skupštinu o svim pitanjima iz njegove nadležnosti na zahtjev Skupštine i gradonačelnika;
- odgovoran je za pravilnu primjenu zakona, stručno, efikasno i pravovremeno izvršavanje poslova iz djelokruga rada Trezora;
- direktor Trezora za svoj rad odgovara neposredno direktoru Direkcije za finansije;
- obavlja ostale dužnosti iz nadležnosti Trezora u skladu sa zakonom ili dužnosti naložene od direktora Direkcije za finansije ili gradonačelnika.

Kvalifikacija za radno mjesto:

- stečena diploma visokog obrazovanja u trajanju od najmanje četiri godine, odnosno visoka stručna sprema (VSS) VII/1, koeficijent obrazovanja, minimalno 240 ECTS bodova, ekonomskog smjera,
- sedam godina radnog iskustva nakon sticanja navedene visoke stručne spreme,
- položen ispit za rad u organima uprave ili ispit položen na bilo kojem nivou vlasti pred nadležnim organima u Bosni i Hercegovini u skladu s odredbama Zakona o državnoj službi u organima javne uprave Brčko distrikta Bosne i Hercegovine,
- vještine rukovođenja,
- analitičke vještine i kreativnost,
- poznavanje rada na računaru (Word, Excel, internet i elektronska pošta).

Broj izvršilaca: 1 (jedan)

Platni razred: X1.

Napomena: Izabrani kandidat će zasnovati radni odnos najranije 1. 2. 2025. godine.

Porezna uprava**2. DIREKTOR POREZNE UPRAVE****Opis poslova radnog mjesta i odgovornosti:**

- rukovodi radom Porezne uprave u skladu sa zakonima i uputama gradonačelnika Brčko distrikta BiH i direktora Direkcije za finansije;
- prati i provodi zakone i propise nadležnih organa i institucija BiH i Brčko distrikta BiH iz djelokruga rada Porezne uprave pod nadzorom i instrukcijama gradonačelnika Brčko distrikta BiH i direktora Direkcije za finansije;
- zamjenjuje direktora Direkcije za finansije u odsutnosti i postupa umjesto direktora Direkcije za finansije ako on nije u mogućnosti;
- sudjeluje u pripremi nacrtu zakona i propisa iz područja koja spadaju u nadležnost Porezne uprave;
- provodi odluke gradonačelnika Brčko distrikta BiH i Skupštine Brčko distrikta BiH koje spadaju u njegovu nadležnost;
- preduzima neophodne mjere radi učinkovitijeg ostvarivanja utvrđenih ciljeva i zadataka iz nadležnosti Porezne uprave i poboljšava stanje u područjima iz nadležnosti Porezne uprave;
- obavještava Skupštinu Brčko distrikta BiH o svim pitanjima iz njegove nadležnosti na zahtjev Skupštine Brčko distrikta BiH i gradonačelnika Brčko distrikta BiH;
- odgovoran je za pravilnu primjenu zakona, stručno, efikasno i pravovremeno izvršavanje poslova iz djelokruga rada Porezne uprave;
- predlaže preduzimanje neophodno potrebnih mjera kako bi doprinio što uspješnijem otkrivanju kriminalnih aktivnosti;
- sarađuje s poreznim upravama entiteta BiH i drugim državnim tijelima u Bosni i Hercegovini;
- brine se o provedbi zakona iz područja poreza, finansija i doprinosa;
- razmatra i preduzima mjere po primjedbama, sugestijama i drugim zahtjevima građana (upućene na rad službenika Porezne uprave);
- sudjeluje u izradi pravilnika, naputaka i instrukcija za Poreznu upravu;
- radi na izradi informacija i izvještaja koji su u nadležnosti Porezne uprave;
- predlaže preduzimanje mjera organizacije za uspješnije izvršavanje zadataka Porezne uprave;
- obavlja i druge radnje u skladu sa zakonima i instrukcijama Skupštine Brčko distrikta BiH i Vlade Brčko distrikta BiH;
- za svoj rad odgovoran je direktoru Direkcije za finansije;
- obavlja i druge poslove koje odredi direktor Direkcije za finansije ili gradonačelnik.

Kvalifikacija za radno mjesto:

- stečena diploma visokog obrazovanja u trajanju od najmanje četiri godine, odnosno visoka stručna sprema (VSS) VII/1, koeficijent obrazovanja minimalno 240 ECTS bodova, ekonomskog smjera,
- sedam godina radnog iskustva nakon sticanja navedene visoke stručne spreme,
- položen ispit za rad u organima uprave ili ispit položen na bilo kojem nivou vlasti pred nadležnim organima u Bosni i Hercegovini u skladu s odredbama Zakona o državnoj službi u organima javne uprave Brčko distrikta Bosne i Hercegovine,
- vještine rukovođenja, analitičke vještine i kreativnost,
- poznavanje rada na računaru (Word, Excel, internet i elektronska pošta).

Broj izvršilaca: 1 (jedan)

Platni razred: X1.

Napomena: Izabrani kandidat će zasnovati radni odnos najranije 1. 2. 2025. godine.

Kandidati koji su zainteresovani za prijem u radni odnos po raspisanom Javnom konkursu dužni su podnijeti prijavu u propisanom roku, a materijalno i krivično su odgovorni za tačnost podataka navedenih u prijavi.

Pravo prijave na konkurs imaju kandidati koji pored navedenih kvalifikacija za radno mjesto, moraju ispunjavati sljedeće **opće uslove** za zasnivanje radnog odnosa: državljanin je BiH, punoljetan je, zdravstveno je sposoban za obavljanje poslova upražnjenog radnog mjesta, protiv njega se ne vodi krivični postupak za sva krivična djela, osim za krivična djela protiv sigurnosti javnog saobraćaja, da se na njega ne odnosi član IX. stav (1) Ustava BiH, da u posljednje tri (3) godine (počevši od dana objave Konkursa) nije otpušten iz državne službe u institucijama BiH odnosno entiteta i Distrikta usljed pravosnažno izrečene disciplinske mjere.

Potpisana prijava na Javni konkurs dostavlja se lično u zgradu Vlade Brčko distrikta BiH – Bulevar mira br. 1, pult 6, 7 ili 8, a putem pošte prijave treba slati na adresu: VLADA BRČKO DISTRIKTA BiH – Komisija za izbor direktora Trezora i Komisija za izbor direktora Porezne uprave – Bulevar mira br. 1, najkasnije do **9. 9. 2024. godine do 15.00 sati**.

Obrazac prijave može se preuzeti na infopultu u zgradi Vlade Brčko distrikta BiH i na internet stranici Vlade Brčko distrikta BiH (www.vlada.bdcentral.net).

Nepravovremeno prispjele prijave neće biti razmatrane.

Konkurs je otvoren od dana objave na internet stranici Vlade Brčko distrikta BiH i traje **do 9. 9. 2024. godine**.

NAPOMENA

Selektovani kandidati s kojima će se obavljati testiranje / intervju o datumu, mjestu i terminu **ISKLUČIVO SE OBAVJEŠTAVAJU PUTEM SLUŽBENE INTERNET STRANICE** Vlade Brčko distrikta BiH (www.vlada.bdcentral.net).

U skladu s članom 39. stav (2) Zakona o državnoj službi u organima javne uprave Brčko distrikta BiH („Službeni glasnik Brčko distrikta BiH“, broj: 17/22 – prečišćeni tekst) kandidati za radna mjesta koji nemaju položen ispit za rad u organima uprave mogu ravnopravno konkurisati i biti izabrani kao i kandidati koji imaju položen ispit, uz obavezu da u roku od šest mjeseci od dana sticanja uslova za polaganje ispita polože ispit za rad u organima uprave.

Za diplome koje su stečene u inostranstvu nakon 6. 4. 1992. godine potrebna je nostrifikacija.

Potpisana prijava koja se podnosi važi samo za navedeni konkurs.

Nakon obavještenja Komisije za izbor direktora Trezora i Komisije za izbor direktora Porezne uprave o izboru kandidata, izabrani kandidati dostavljaju dokumente kojima dokazuju tačnost podataka kojima se potvrđuje ispunjenje općih uslova i kvalifikacija za radno mjesto.

Sve informacije u vezi s Konkursom mogu se dobiti u Odjeljenju za stručne i administrativne poslove – Pododjeljenju za ljudske resurse na broj telefona 049 / 240-655.

Pripremila:

Sladana Đokić, dipl. menadžer

**Šef Pododjeljenja
za ljudske resurse**

Arijana Ćulibrk, dipl. pravnik

**Šef Odjeljenja za
stručne i administrativne poslove**

Senad Tufekčić, dipl. psiholog – pedagog